

Айрилиқ



09:03 / 17 сентябрь 1909

Само чок-чокидан сўкилди гўё,
Ёшу қари бирдек бўлмишди карахт.
Мадина зор йиғлаб тўлғонар гирён,
Жанобим Ёрига айламиш рихлат.

Чиройда мислсиз гўзал гул юзим,
Бани Одам ичра энг ширин сўзим,
Бир етимча мисол қолдимку ўзим,
Жанобим Ёрига айламиш рихлат.

Яманга кузатар онида ул кун,
Демишди :Бу сўнги дийдордир балким.
Севаман сени эй Муоз деган ул,
Жанобим Ёрига айламиш рихлат.

Нозик оёқларим Уҳудда тортган,
Ҳар сония анга муҳаббат ортган,
Қуръон ўқи Ибн Масъуд деб айтган,
Жанобим Ёрига айламиш рихлат.

Кундаҳам зулматга чўлғанди дунё,
Олам кимсасиздек қолганди гўё,
Сўз тополмай йиғлар Абу Убайда,
Жанобим Ёрига айламиш рихлат.

Не жангларда доим боши бўлган тик,
Дер меҳрига тўла қонмадим ҳали,
Ўпкасин бўшатар ул Ибн Валид,
Жанобим Ёрига айламиш рихлат.

Олам етим қолди, Мадина етим,
Уммат етим қолди, ғариблар етим,
Анас мўлтирабон ерди ич этин,
Жанобим Ёрига айламиш рихлат.

Сўзламоқ истамас бу кун ҳеч кимса,
Розилар хаттоки қиёмат келса,
Кетамиз ҳаммамиз гар олиб кетса,
Жанобим Ёрига айламиш рихлат.

Ҳар намознинг вақти бўлгани замон,
Севинчла Ҳужрага боққан ул гирён,
Билол энди сира айтолмас азон,
Жанобим Ёрига айламиш рихлат.

Илм шаҳри қолмиш бўм-бўш ушбу кун,
Дарвозаси фарёд айлайди бе ун,
Али мендан деган ёлғиз ҳабибим-
Жанобим Ёрига айламиш рихлат.

Бир кун келиб агар кийсанг бир либос,
Еч дея буюрсалар ечма илтимос!
Зиннурайн номин айлаган мерос,
Жанобим Ёрига айламиш рихлат.

Шайтоннида бошин олгум бе аёв,
Ул зот ўлди дея сўзлар фақат ёв,
Ибн Хаттоб дардла ҳайқирар аё ,
Жанобим Ёрига айламиш рихлат.

Ғордаги ул онлар энди армонми!?
Висол учун ёлғиз ўлим дармонми!?
Соҳибини ташлаб кетган карвоним,
Жанобим Ёрига айламиш рихлат.

Дунё остин-устун бўлсада бутун,
Кимса парво қилмас бунга ушбу кун.

Сабаби бунёди бул дунёи-дун,
Жанобим Ёрига айламиш рихлат.

Ўша кундан буён ўтиб минг йиллар,
Мўминлар кўксини дард фироқ қийнар.
Умматим деб бедор ўтказган тунлар,
Жанобим Ёрига айламиш рихлат.

Эй Умид қалбингни қопламиш ғафлат,
Бу кун уммат боши узра минг кулфат.
Саботла тур, зора топсанг мағфират,
Содиқларни ул Зот қилгай шафоат.

Мусибат бўлмамиш бунданда баланд,
Жанобим Ёрига айламиш рихлат....

18:58. 22.08.2023. Умиджон Хасанов.